

DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
*manè discutienda in Scholis Medicorum, die Jovis decimâ-quartâ mensis
Decembris, anno Domini M. DCC. LII.*

M. LUDOVICO - ANNA LAVIROTTE, Doctore
Medico, Regio Librorum Cenfore, Præsîde.

An omnes organica corporis partes digestionî opulentur?

I.



NTER primarias animalis œconomîe functiones reponenda digestio. Neque tamen, ut moris est, considerandam suscipimus simplicem ventriculi, variorumque succorum dissolventium, vim & energiam in ingesta; sed corporis totius vires, ad grande illud opus statò mirabilique consensu conferre, proponimus.

Gulæ & ventriculi sensationi peculiari, individuique totius vix definiendâ mutatione, fame scilicet, animalia statim temporibus afficiuntur; indeque alimenta appetunt, varia, pro dispositione cuilibet innatâ. Nisi stomacho pabulum concedatur, collabuntur vires, tota pervertitur motuum & sensationum œconomia; vix assumpto pabulo, collapsæ vires instaurantur, moxque à pastu, exurgit quædam in corporis habitu frigoris sensatio, dein ad somnum aliqualis propensio, pulsus, respiratio- nisque adauctio, tum & calor; tandem membrorum omnium ad functiones suas expeditè perendas aptitudo. Hæc sunt primò notanda digestionis phænomena; quæ quidem functionem illam veluti totius corporis conamen præbent considerandam. Vix ineunte ciborum masticatione, jam intensius excitatur ventriculus, cibosque in ipsomet ore quodam modo videtur degustare, mox deglutita molliter amplecti amans, tum & de novo advenientibus alimentis paulatim extendi, donec famis sensatio extinguatur. Dum autem verè inchoatur digestio, seu exercetur ventriculi motus propriè digestivus, tunc totius corporis fit blanda, hilarisque succussio; en primum digestionis tempus. Deinde exterior corporis superficies constrigitur, vasa imminuuntur, humores ad interiora appellantur; en secundum digestionis tempus. Demum apparent rubor in cute, calor, pulsus dilatatio, corporis totius veluti adauctio seu tumescencia, ad exteriora humores diriguntur, & hoc est tertium digestionis tempus. Observatur in corpore duplex præprimis motuum distributio, aut directio; nimirum centrifuga & centripeta, ex quarum sese mutuo oppugnantium conatu, totam fere functionum pendere œconomiam suadent in arte principes, (a) sicut & observationes variæ eorum quæ accidunt tam in sanis quam in ægrotantibus; en quidem, ut jam dictum est, constrictio in tota corporis superficie, ventriculo pleno, adveniens, cum horrore, frigore, tremore, quæ excipiunt calor, ruborque cutis: en

A

(a) Stahl, palem in operib. & post eum (ut non rarè) Hoffmann. Ration. Therap. cap. 4.

phænomena eadem in febrili conamine, morbi tempora, exacerbationes & crises concomitantia; tum nec disparia in histericis insultibus, atque in variis pathematum generibus, pudore, irâ, gaudio. Clamant hæc omnia, manifesteque demonstrant conatus mutuos partium internarum & externarum, oscillationum itus & reditus; est igitur stomachus digerens, veluti centrum ad quod appellant primò vires partium aliarum omnium, & ex quo iterum ad superficiem corporis redeunt, jugi momento, velocius aut lentius, pro variâ causarum *energia*, corporis ipsiusmet constitutione, ejusque motuum libertate, consuetudine.

I I.

(a) Aphor. E.
Sect. 6^a

CAPUT inter & stomachum probatur *relatio*, molesto ponderis sensu, & do-
lore, quos multi in diversis digestionis temporibus persequuntur, sicut & dum
urget appetitus. Relationem hanc jamdudum annotavit Hippocrates (a). Prædicant eam
capitis ictus, vulnera, commotiones atque fracturæ, quæ sæpè comitantur nausæ,
vomitus, abdominisque perturbatio. Docent hæc vim capitis in ventriculo hujusque
renixum pro variâ corporis dispositione, occasione variâ. Sunt lippi haud pauci
quorum oculi digestionis conamine dolent, rubent & etiam inflammantur: quæ
omnia eadem proportionem cessant, quâ ventriculi mutatur actio. Idem acci-
dit in parotidibus, capitisque tumoribus aliis quorum volumen tunc imminuitur
aut adaugetur. Sic sæpè sapiusque fœminas rubore genarum præprimis, inter
digerendum, affectas videmus. Quis non observavit Medicus gingivarum & den-
tium dolores, ventriculi laborem concomitantes. Quæ quidem omnia phæno-
mena perperam explicantur per compressionem ventriculi super vasa abdominis, cum
sedulâ constet autopsiâ ratam illam compressionem omnino impossibilem esse. Jam
verò, cavitatis oris, narium & gutturis integri in abdominis viscera, efficaciam mira-
bundus advertet quilibet cum Baglivo. Pulveris tantillo nares irritante, tota com-
moveretur intestinalis fistula, motuum ejus pervertitur aut acceleratur ordo. Quid non
operantur sapores diversi? Quid laryngis pharyngisque partes? quæ, licet molles &
debilis structuræ, citius tamen oculi nictu, efficacissimè agunt in stomachum, dum
irritantur. Glandulas plures juxta collum positas, ventriculo infervientes, succis
madidas, erectas, & activè salivam secernentes, & excrementes, dum functioni suæ
sefe accingere ventriculum famis sensus manifestè testatur, alibi demonstratum (b).
Sensuum etiam organis propriè dictis sua vis est & energia in abdominis viscera:
variis odoramentorum generibus, miras, præcipuè in fœminis, mutationes excitari con-
stat. Sunt quas florum ethusiva, vertigine, pectoris convulsione, tremore, vomitu, diar-
rhæis & sexcentis aliis, torqueant: quæ quidem nota nimis, ut iis enarrandis im-
moremur. Visus organa & auditus suo quoque potiuntur jure in stomachum; va-
rias ex diversis coloribus sensationes, tum & soni modulamina num immeritò pro
Pharmacis habuit Medicina prisca? Saltem attendenti patet mutationes organorum
novam reapse modificationem imprimere sistematî nervoso; quod porro si nimium
fecerit superstitiosa Antiquorum Magia, id forsitan Medicina ipsamet errores suos
expurgans nimium vili pendet (c).

(b) Recherches
anatom. sur la
force des Glan-
des.

(c) Vid. Schorti
Magia phonoia-
stica qui Aegip-
tam, Portam,
Mendosam &
alios citat, mul-
tisque ex Kirche-
zo, circa Taren-
tulos, refert
peritissim Capu-
tini hujus histo-
riam, qui amica
Caletani Cardi-
nalis purpurâ al-
lectus, in eam in-
solitis motibus
izurbati &c.

2^o Quod ad pectus spectat, ejus restrictio præcipuè ad sternum, vocis muta-
tio, Epigastrici dolor, respirandi difficultas dum digestio peragitur, imò & dum fames
urget; præterea mammarum in nutrientibus mutatio adeò evidens ut aliquando ali-
mentorum ingurgitatione subito mammae collabantur in fœminis post partum; hæc
omnia, inquam, ventriculi actionem in tot pectoris provinciam suadent, &
pectoris ipsiusmet reciprocum in ventriculum conamen. Cor earundem etiam mu-
tationum suo modo particeps; præterquam quòd enim pulsus plures accidunt in
digestione variationes, cor ipsum in multis, motu sæpè irregulari afficitur, præsertim
dum ægrè digerit stomachus.

3* Viscerum abdominalium in ventriculi energia utpote quæ variè ei opitulentur, apud omnes in confesso est; antiquissimorum temporibus (a) hepatis atque lienis observatæ sunt vis & actio in ipsum jugulum, aures, caput & pectus tum & in membra, crus & brachium, pedes & manus & quidem utriusque visceris ad latus respectivum; hanc viscerum eorum provinciam, neotericis paululum prætervisam, revocabamus alibi (b); organa hæc tempore digestionis adamussim contrahi atque versus ventriculum vires suas exercere probant ratio & observationes. Hepar bilem in duodenum majori nisu effundit digestionis tempore, splen minorem humorum quantitatem recipit ventriculo pleno quam vacuo. Hæc ratio. Accedunt observata Medicorum: isæteri irregulares, dum peragitur digestio, hypocondriorum dolores in splenicis & hepaticis, atque genarum, colli, & extremitatum mutationes; demum splen contrahi, indurefcere visum est, dum sit digestio in ventriculo; non quidem ab ipsius compressione, sed à toni in ipsomet splene adauctione; quod per se patet: idemque de hepate dixeris licet visus motum ejus non assequatur, ut pote quod splene minus flexile, mobile, spongiosumque. Pancreas si malè dispositus est vomitus, nauseas & stomachi profundos citi dolores: aliunde cum hepate & liene conspirat, copiosumque laticem ulterioris digerendis cibis præbere solet. Consulantur qui nephreticis doloribus obnoxii, ad ventriculum semper pergere dolores renum confitentur; quod etiam manifestè apparet ex vomitu & stomachi perturbatione ipsismet familiaribus nimis. Ast quid non molitur uterus qui mobilis adeo, multarum molestiarum causa, quem sæpè furentem rectius quam plevram habuisset Helmontius. Ventriculum trahit in consensum, pondere, oppressione, ingrata sensatione afficit si malè dispositus ipse; hunc è contra mobiliorem, operi suo aptiorem reddit dum pacatus est; hæc ipsemet mulierculæ norunt; dolore juxta stomachum sæpè afficiuntur & vomitu quæ fluxu albo laborant; catamenia non nihil semper appetunt, digestionisque pervertunt; quod etiam observaveris in primis graviditatis temporibus donec partes omnes uteri volumini & actioni assuehant. Sed & virorum genitalia suo etiam modo cum ventriculo actionis commercium habere non incipias ibit qui glandis vellicationes ad dolorem usque acres, atque vesicæ crepitus & testiculorum tumores varios in digerentibus observaverit; quod ex melancholicorum relatu præprimis discas, ut pote qui sensu exquisitiori donentur, varisque mutationibus in semetipsis detegendis incumbant sedulo. Huc etiam pertinent ventriculi inquietudo, debilitas & depressio familiares iis qui veneri nimis indulgere. Quid valeant ad ventriculi æconomiam abdominalia vasa & membrana, sciscitare abstulianis, aut experiaris apud hemorrhoidibus affectos. Demum interintestina ipsamet, quatenus in ventriculum agunt venit præprimis observandum colon, quod non solum in stomachum, subjectaque viscera vires suas exerit, fed etiam in pectus, ipsumque caput; varia de eo colligere possunt librorum consultores (c), de eo certiora experiantur qui semetipsos perpendunt (d) & qui istas de semetipsis observationes conferunt cum quotidianâ praxi. Enim colon ventriculum sæpè premens & epigastrium occupans ferè integrum, atque contra diaphragma insurgens, non raro contingit reperire; (e) ipsum quotidie evacuari observabis in multis, ubi alimentis plenus ventriculus, ni cedat ipsemet contenta emovendo, quod aliquando accidit.

(a) Galen:
imprimis de Si-
culo Medico ..
Duret in Cassa.

(b) *Recherches anatom. sur le posir. des Glandes, . . . des Dérpartemens des viscères, &c.*

(of VanRoyen,
filius specim.
Medic. de intest.
crassius multorum
morb. causa &
coda.

(d) Le Méd. de
foi même.
(e) Hentric. Bas-
sius obl. anat.
Méd. Chirurg.
dec. 11. obl. 20

4°. Extremitatum nifum in abdomen, præfertimque in ventriculū sic probamus. Hepatis, lienis, & renū affectiones quedam, pedes & manus ædematiæ infestant vel doloribus & contractionibus validis; quæ omnia ventriculo digerente mutantur. Rusticis obnoxii à pede aut manu quandoque tremorem & fremitum versus præcordia procedentem sentiunt; quidam ventriculū attingunt, ructum aut nauseam aut singultum excitant. Ex melancholicis aliqui digestionis tempore tremant, & stupore tentantur crura & manus eorum; contigit nobis quemdam videre, cui di-

(a) In Theriis
Baragianis.

(b) In Nefo-
comio F. I.
Charitatis.

(c) M. Francœ.
Thiery.

gestionis tempore, totum corpus leviter convellebatur : fuit (a) ibidem mulier quæ quotidie postprandium, horrore tentabatur & convellebatur pedibus & manibus, ad animi deliquium usque; epilepsiæ levioris brevem insultum dixisses; tum & vir nobilis in cruribus laborans herpete, qui herpes dum digestio fieret, sponte primò collabebatur & albescebat, brevique sæviebat acrius; imò toties dolore afficiebatur ventriculus, quoties exsiccabatur herpes, donec hic denuò recrudesceret. Scorbuto affectos ventriculi doloribus & crurum constrictionibus divexari, consentunt Clinici. Quibus Amputationes crurum aut brachiorum fiunt, ii dolore & spasmo ventriculi sæpè tentantur. Amputata fuit quibusdam abhinc diebus tibia: (b) operationis tempore æger convulsione in ventriculo quæ nauseas multas provocabat, afficiebatur; & tribus diebus quos post operationem vixit, semper eadem expertus, tandem cum suspiriis, citatoque anhelitu exhalavit animam. Sic quibusdam abhinc annis binos ægrotantes vidimus quorum alteri fuit amputatum brachium, alteri verò resecta glandula sub axillâ, in utroque ingens dolor ventriculi vomitusque donec vitam cum morte mutarent. Quibus in stomacho nidulantur vermes, aut venena continentur, capitis dolor & orthopnea atque convulsio, tremor, horror, & spasmus omnium partium, manifesto indicio has ventriculi affectuum participes. Attendamus ad colicos dolores vulgò Piciorum dictos: in eorum paroxismo latet pulsus, extrema rigent & frigent, variè invertuntur oculi, succussio, spasmus corporis omnem occupant peripheriam; mochlico validè purgetur stomachus, morbi effodiatur crudelis minera; læsione ventriculi minùs sollicitatis partibus, omnia componentur symptomata; undè colliges quam indicamus arctam, partes omnes inter & ventriculum, sodalitatem.

I I I.

NUNC autem operæ pretium erit hæc omnia quæ Clinicorum observata docent cum Anatomico physicis breviter pendere; huc 1^o attinet textus cellularis. Hunc ubique corporis reperiendum cunctas obvolvemtem partes, multorum morborum sedem, ex quorundam observatis, peculiaribusque multis animadversionibus jam rectè demonstravit saluberrimæ Facultatis Doctor (c). Nos autem textum cellularem pro unico & generali habemus organo, quod systema cellulare diceret: hujus exordia & rudimenta si, præeunte face anatomicâ, diligentius rimemur, eum mucosum, homogeneum, tenacem, minimasque fibrillas nerveas illinentem, reperire est; mox idem solidi naturam induens in lamellas seu membranulas effingitur, enque idea prima corporis incrementi & nutritionis quam abolveris, si novi mucî, ut ita dicam, *lamellefacti* appositionem, membranularumque hinc oriundarum varias accretiones perspexeris; aded ut universa corporis compages, seu solidorum systema merum sit gluten nutritium inspissatum, exceptis solummodò primis illis staminibus seu fibrillis nerveis quas, cujuslibet partis verè sctrices & formatrices, habueris meritò. Sed sensibus magis obvium sese prodit glutinis hujusce productum dum partium omnium intercapedines penetrat, easque fasciculatim colligit, communi vinculo conjungit, vinculo scilicet laxo, poroso, in omnem sensum pervio, adeo ut ex quâcumque corporis parte ad quamlibet aliam præsto sit via satis expedita. Sic peritonæum atque plevra ab exteriori suâ superficie lamellas ad partes omnes emittunt, ad caput atque artus extensas, donec cutem attingerint; ita ut mira sit organi hujus in quâlibet parte compages. Hæc quidem Vieussenium fefellit dum ubique statuebat vasorum conglomeramina quæ etiam obtulerunt Ruifchio iniectiones non omnino fidæ. Hunc textum feliciter veluti spongiosum quid, inter arteriolas & venas situm, habuit antiquitas, quem in criptulas coadunavit Malpighiana Secta. Sed nos veluti porosam habeamus massam *lamellatim* distributam, vi nervorum actam, quæ variarum materierum metastasis præbet vias, præprimisque aquoso lactici juxta oscillationem variarum directiones. Sic organum generale constrictionis & dilatationis capax habes, quod ad interiora pellat humores, aut ad partem stimulatam, Por-

ro ventriculus alimentis turgens, centrum fit contra quod organum cellulare omne erigitur & intendit; unde virium, caloris, atque liquorum intropulsio, vel centripeti motus effectus, donec ab interioribus partibus vicissim fiat refluxus.

2°. De nervis gastricis nunc agendum incumbit. Eos juxta diaphragma sub stomacho, per media vasa, extensos, plexus solarem & lunares efformantes, ab ipsismet plexubus postulamum oriundos (a). Veluti radii ab hoc centro communi, ad partes omnes extenduntur, cum nervis aliis sociantur, ad viscera cuncta & cerebrum ipsummet vel membranas ejus pertingunt. Sic commercium stabilientes inter omnes & singulos corporis tractus, idque centrum, juxta quod præcise sedem obtinent ventriculus & duodenum, huic pluribus nervis proxime conjuncta & inde, necessario nexu, cum omnibus & singulis corporis partibus. Conjunctionum earum usum jamdudum subodoravit Clar. Petrus, Medic. (b) dum, ligato gastricorum nervorum ramulo ad carotidem apposito deinceps oculi nervis inserto, ipsummet oculum videbat collabi, flaccescere, extingui, indicio certo, virium supplementum quod tum oculo deerat, à nervo ligato oriri. Quis autem ex eo non concludet oculorum contorfiones & dispositiones alias, quæ ægrotis accidunt, dum vermes aut pharmacum ventriculum gravant, nervi ejusdem officio accedere? Atqui ex ipsismet ventriculi læsionibus, partium aliarum variaz quoque mutationes observantur; has igitur nervis gastricis attribuendas, plusquam verisimile. Est iterum, cum ocululus nervorum gastricorum læsionibus vicietur, quis ab oculi irritatione variâ nervos gastricos reciprocè pati non concedat? Sic ager visus in ventriculum, sic auditus olfactus sensuumque aliorum exercitium. Est scilicet nervosum systema ex naturâ suâ, stimulo mobile, irritabile, sensibile; quod axioma Medicis qui corpus vivens non vero inanimatum contemplantur. Sensibilitatis & irritabilitatis effectus, variis in organis, arte vel naturâ vellicatis, excitati, ubique in omnem quam diceres pervorum summam seu totalitatem, oculis prorepunt; sensuum organa & motuum modo suo vellicata totidem sunt fontes ex quibus nervorum actio procedit & in quos pluribus ex causis reciprocè recurrit: ventriculum autem naturâ suâ, constitutione, officioque suo, inter primaria actionis centra jure referas; qui nempe fame primò erectus, tumque motus suos inchoans, mox alimentis lacessitus, partium omnium vires ad se intendere videtur, donec irritatio à cibis stomacho illatadefinens eâ proportionem quâ digestio peragitur, nativæ, seu pristinæ nervosi motus distributioni non amplius obstat. Num autem necessitudinis inter ventriculum & organa cuncta sit ea lex, ut sicuti organorum nervi irritati in ventriculi partem determinatam agerent, dum verò irritatur ipsa, organum idem juxta propriam connectionem afficeretur; indeque confectarium esset, omnes & singulas ventriculi partes, veluti centrum esse & fieri quo motus & sensationes, suo imprimerentur modo, ex quo plurima dilucidarentur intricata adhuc phænomena? Perpendat cui libuerit.

3°. Cum sensibus, ut vulgò aiunt, internis variâ prorsus & mirabilia corpori accidunt, hæc etiam prorsus notanda veniunt, seu apprimè colligendi pathematum effectus in ventriculum; hunc gaudii, iræ, timore, diversimodè agi, quis inficias ibit? est scilicet pathematum aliquis ordo requisitus; est horum œconomia cuilibet forsân temperamento peculiaris, optabilis, ut digestio rectè perficiatur, quia ventriculi nervi suas etiam habent sympathias cum iis quos in usum vocat anima, functionibus suis vacans. Igitur breviter exponamus quidquid de digestionis phænomenis, & generali ejus in œconomiam animaleam influxu, huc usque expositum fuit. Stomachus & textus cellularis duo velut organa considerari debent mutuam Antagonismum inter se exerecentia, officio nervorum inter utraque protensorum, varièque tum stimulis materialibus, tum animi pathematis acta. His enim expositis cuncta digestionis phænomena facile explanabis, tum ea quæ jam exposuimus, tum alia quæ brevi exponenda suscipimus quod vix à doctrinâ vulgari expectes.

(a) Favente illustrissimo Winslow, nihil contra demonstrante DD. Meckel qui tamen (Hist. de l'Acad. R. des Sciences de Prusse, année 1749.) de nervis intercostalibus hæud comminenda doceat.

(b) Mémoires de l'Ac. R. des Sc. année 1727.

Vid. etiam de nervis ventriculi DD. Gortet. praxeos Medic. sistem.

Et Kau, impetum faciens cap. 7. §. 349. tum & imprimis clarissimum Archiatrorum Comitem DD. de Senac, de nervorum sympathiis. Essai phys. sur l'usage des.

1°. **U**NDENAM variorum alimentorum appetitus, eorumque delectus, insuperabiles horrores & temerè variabiles, in prægnantibus, in iis quæ picâ & malaciâ laborant, tum & in melancholicis, nisi à nervorum modificationibus pene infinitis: pari modo scilicet ventriculus certo quodam alimento gaudet ab alio vero abhorret, quo oculus aliis recreatur coloribus, aliis læditur. Ea igitur omnino vel ad pathemata, vel ad sensum ventriculû peculiarem, vel temperiem ejus, ut loqui amabant veteres, spectant. *

2°. Cur quæso omni tempore quo ventriculus vacuus est, tunc tamen non appetitur alimentum, nisi ex eo quodd vires processu mechanisimæ digestionis ad exteriora appellentes non adeo à stomacho recesserunt: seu in illo non ed fuerunt exhaustæ, ut immineat ipsius collapsus; qui quidem collapsus eâ proportionem quâ instat famis sensationem prolicet, & quo tandem, cum tono stomachi fauscunt vires omnes corporis nisi tonus ille tempestivis cibis restitatur.

3°. Si imperfectâ assumptorum elaboratione alimenta de novo assumere contingat, sæpe accidunt symptomata morbosa varia; ventris turbatio, capitis labor, membrorum defatigatio, & febricula quorum rationem ex jam dictis facillimè assequeris. Inde enim patet quod si, eodem temporis instanti quo nervorum conatus ad exteriora vergunt, alimentis iterum irritetur ventriculus, vires ad illum appellere non rectè valent, siunque opposita in partibus conamina, directiones virium sese mutuo oppugnantium, ipsam & stales hinc & inde, tot scilicet seminiæ morborum (a).

4°. Senes facillimè jejuniû ferre; secundo loco, qui ætatem consistentem agunt, minimè adolescentes, minimè omnium pueros; docuit Hippocrates (b). Quæ omnia, ab oscillationum vividiori motu, & majori nervorum vibratilitate & sensibilitate, deduces (c). Cum enim puerorum organa facillè moveantur hinc ab exterioribus intus & vice versâ sæpe & cum velocitate feruntur motuum directiones. Sic etiam ventres hyeme & verè naturâ calidiores observavit idem Hippocrates (d); quia cum virum & humorum tunc in ventriculum major appellat quantitas, atqueque validiùs organum exterius cellulare, sive tonus omnium partium, in interiora, tunc fulcimento majori egent & irritatione stomachus & viscera omnia, quibus possint fortius excitata, fortiores etiam contra centripetas vires renixus exercere.

5°. Utrum melius digestio fiat per somnum quam vigiliæ tempore, multi jam quæssere nec desinierunt; atqui hujus enodatio problematis ex doctrinâ propositâ obtineri posse videtur; nam præter ea quæ consuetudini, naturæ velut alteri, tribuendum norunt omnes, ritè distinguimus in digerentibus eos quorum facillime nervi à quâlibet causâ distrahuntur ab opere, & illos qui ad meditandum proni maximâ animi contentione vires omnes suas, inter cogitandum indefinenter, impendunt, ab illis quorum nervi vel difficilè mobiles, vel validi satis ut ferè nusquam ab opere diverti finant. Sic primis, pueris scilicet, mulieribus quibusdam, litteratisque viris, prodest somnus inter digerendum; quia nimirum somni tempore natura in illis fui juris meliùs facta, totam virium energiam digestionis impendit; dum è contrâ qui nervis otiosis donantur eos vigiliâ & sensationibus excitandos esse, expedit; patetque posse excitari & pluribus intendi eos quorum vires sunt validæ satis. Animalia multa somno labuntur dum digerunt, & quò plus etiam somno indulgent, ed quoque obesiora fiunt; aut obesitatem veluti digestionis perfectissimæ scopum & signum non habeas; hæc enim solummodò perfectâ erit, quæ vires omnium organorum requisitâ proportionem reficiet, quod valde obesim reculandum auguramur (e). Est siquidem obesitas plethoræ morbosæ species. Quæ de somno & vigiliâ diximus illa de motu sunt intelligenda; namque quibus debiles sunt vires, iis motibus variis turbatur digestio; quibus è contra validæ satis, illis motibus potest pars virium impendi. Sed hæc de re vix statui potest regula generalis.

* Ventriculus partium omnium quasi præputiarium, Galen, de usu part. l. 3. C. 1. ... Ventriculus eligit alimen-

ta, idem de instrumentis, odorat. C. 11. ... Consultatq; etiam Helmontius, Atcheus Faber & alij.

(a) *Jou. n. des Savans* 7bre. 1752.

(b) *Aph. 13.*

(c) *Sect. 1. & in hunc Galen. Comment.*

(d) *Hecquet passim in oper.*

(e) *Aph. 29. Sect. 1.*

(e) Athletas ipsos non inter valentiores annumeravit Galen. Suis sociis ad artes oratio, post hippocrat. de alimentis.

6°. Qui horrores; frigorisque sensationem post partum ex eo deducunt; quòd quantitate & qualitate chyli in sanguinis massam infusi, sanguis *inspissatur* minusque per vascula mobilis fiat, unde frigus & *horrorifera* contractio, quo potissimum rationis fundamento innituntur, non equidem videtur. Namque 1°. chylum adhuc vias suas non transisse, atque minus adhuc sanguinem pervenisse cum frigus digestionis perferitur, patet ex eò quòd tunc, ne à ventriculo quidem exclusa fuere alimenta. 2°. Chylus ipsemet eundem caloris gradum ac sanguis habet, quomodò igitur illum frigore congelaret. 3°. Est præterea chylus ipso sanguine fluxilior, aquosiorque, globulos quos amant illi effingere, minores habet diametro; quomodò hunc inspissare, immeabilioremque reddere posset, dum è contrà hunc fluxiliorem reddit & dividit potius quam inspissat? Si quæ sit addenda fides famosis illis *inspissationis, coagulationis, divisionis* humorum assertis. 4°. Demum frigus horrorque digestionis, motus sunt evidenter augmentum non privato, activa meatuum vasorumque strictura, imminutio quam à sanguine inspissato oriundam numquam collegeris, rectius verò à conamine nervoso, tonico, quale experiuntur qui titillantur, qui vividè afficiuntur dolore, quique animi pathematis agitantur. Meminit Lowerus se quemdam vidisse qui juscula quæ assumebat, sponte per vasa narium vix mutata redderet; quia scilicet sanguinis massa hemorihagiæ narium deperdita fuerat. Vidimus infantem eodem morbo tentatum, hic autem frigore aliquali & succussione in superficie corporis agebatur, tum serotinis horis, tum & à prisana, calidâ licet, jusculisque assumptis; num in illo à sanguine inspissato frigus accessisse cogitares?

V.

AST obicient aliqui *centripetas & centrifugas* hæc vires, quibus functiones contendimus in corpore fieri & gubernari circuitui sanguinis directè opponi, atque aded non admittendas. Quibus lubenter concedimus mechanisum propositum iis difficile intellectum iri, qui ab Harveio solummodò edocti physicè tantum & in corpore sano humorum circuitum considerant; sed si consulantur in ægris naturæ varia & indefinita conamina, docebimur suos esse humoribus refluxus in vasis, sed sanè determinatos proprio economiæ animalis motu crises moliente; meatus & vasa comperiemus; in quibus ire & redire possint humores: quod metastases & tumores œdematosi varii, atque collectiones humorum in locis determinatis & millena alia practicis familiaria, apprimè suadent.

2°. Instabunt nos observata varia quibus doctrina nostra innitur præsertim à morborum phænomenis desumpsisse, ex iisque pro statu naturali parum aut nihil colligendum. Ast naturalis partium usus & status numquam melius nosci posse videtur, quam ex collatis earum morbis, qui nihil aliud sunt præter virium ultra modum evectarum aut depressarum exercitium; etenim necessitudines & sympathia partium morbo sis symptomatis solummodò produntur; sanitas enim in perfecto consistit æquilibrio; contra verò dolor, anxietas, stupor, caterique irritabilitatis modi verè morbosi, à rupto æquilibrio procedunt (excepto tamen sensum naturali exercitio, quod forsan doloribus variis comparatum diceret) intimiorem igitur partium consensum ex symptomatis morborum fas est eruere (a).

3°. Organis membrisque quibusdam orbos, apprimè videmus digerere; unde concludere pronum organa deperdita nullomodò digestionis operi conspirare seu inservire. Hæc quæ achillea putarentur facili quidem negotio everti possunt; experientia namque constat eos quibus amputata membra, temperamenti subversionem sæpè fuisse passos, in iisque ventriculique vires evidenter mutatas; præterea membro decurtato cicatricem inductam eadem ferè vi ac membrum integrum potiri in ventriculo sic probamus; membro amputato, dum cicatrix elaboratur, tunc nulla aut ferè nulla digestio sana possibilis, si enim hoc in vulneris statu alimenta

(a) Vid Wepf. de Cicur. aquar. qui stomachi vires ab irritatione ejus morbosâ semper colligit. &c.

præbeantur, tunc suprà mors ostia pulsât; crudo enim vulnere vires parti defunt quibus stomacho digerenti æquibretur, aut potius illæ suppurationis labori impenduntur; contrâ verò cicatrice absolutâ & firmatâ, cuncta ad æquilibrationem sanam accedunt, sibi que textus cellularis veluti fulcrum efformavit, cui inniti facile possit, undè cicatrix vices quodammodò membri amputati gerit. Hemiplegiâ affectos aut paralyti membri peculiaris videbis etiam difficilîus quàm vulgò creditur assumpta digerere, licet enim ex iis gulosi multi videantur & voraces nimis, lento reipsâ gressu progrediuntur motus omnes & vires in abdomine atque in ventriculò, unde sæpè & sedulò Pharmacis excitandus tonus eorum eadem proportionè debilitatus quâ membra affecta immobilia magis. Inter ægros hâc paralyseos specie affectos quàm à spâsmo vocant, quosdam observare accidit qui tempore digestionis convulsionibus inordinatis, doloribusque per partes læsas motu giratorio reptantibus, torquentur; fremunt planta pedis & palma manus, atque digiti, diversimodè agitur oculus lateris paralytici, quæ omnia digestionè peractâ, sponte quiescunt. Quæ de Paralyti spâsmodicâ diximus, illa de somno potiori adhuc jure sunt intelligenda, licet enim ex eo functionum animalium exercitium aboletur, non deest in animali dormienti partium vis, tonus & robur.

4°. Demum si mechanismum pro opere digestionis assignatum aliam quamlibet functionem absolvere posse contendas, non equidem inficias ibimus; adsunt porrò primariæ præsertim functiones, uti cordis motus atque cerebri, quas apprimè ex viribus mox perpenis deducere posses; etenim iisdem semper Natura utitur instrumentis quæ variè dirigit, ubi notandum præcipuè incumbit eam rarò perque difficilè duabus simul functionibus, exceptis tamen vitalibus, suppetere, quando quidem corporis motus eâ lege perfici probant observationes tum in statu sano, tum in statu morbofo. Sic habes digestionis mechanismum ex quo non solum omnium & singulorum illius functionis phænomenum causâ determinantes, typus, ordo, aperiuntur atque solvuntur apprimè, sed quidem plurimòs æconomix animalis, tum sanæ, tum morbofæ effectus, qui semotâ hujusce mechanismi consideratione, vix videntur posse attingi. Ast nobis incumbat disquirendum digestionis opus, statuendumque illud partium omnium organicorum concursu, ac ministerio (*) perfici, quod satis probasse existimamus; undè concludere licet.

(*) Conspiratio una, consentientia omnia in parte, par- dum ratione unius alicuius membri, affectus invadit-
tis ad opus. Hipp. de aliment. universum corpus inter- lib. de Colic. Galeno ascripto.

Ergò omnes organica corporis partes digestioni opitulantur.

DOMINI DOCTORES DISPUTATURI.

M. Carolus-Ludovicus Liger.

M. Franciscus-David Herissant,

M. Andreas Cantwel, Regia Sc.
cietatis Londinensis Socius.

Regia Scientiarum Academia,
Regiæque Societatis Londinensis
Socius.

M. Joannes-Stephanus Guettard,
Regiarum Academicarum Pa-
risiensis & Florentina Socius,
Censor Regius & Historia na-
turalis Musæi Serenissimi Ducis
Aurelianensis Custos.

M. Jacobus-Franciscus le Chat
de la Soudrière.

M. Benjamin-Ludovicus-Lucres
de Lauverberi.

M. Natalis-Maria de Gevigland,
Rei Herbaria Professor.

M. Joannes-Franciscus Isex.

M. Leander Penget, Consiliarius
Medicus Regis ordinarius in
eius Castellato.

Proponebat Parisiis THEOPHILUS BORDEU, Benearnus, Doctor Medicus
Monspelienfis, necnon Saluberrimæ Facultatis Medicinæ Parisiensis Bac-
calaureus, Theseos Author, A. R. S. H. 1752, A SEXTA AD MERIDIEM.

Typis Viduæ QUILLAU, Univerfitatis & Facultatis Medicinæ Typographi, 1752.